



Broj: 01/1-50-1-26-28/04.

Sarajevo: 27.5.2004.

Z A P I S N I K
sa 28. sjednice Ustavno - pravne komisije

Sjednica je održana 27.5.2004. godine s početkom u 12,00 sati.

Sjednici su nazočili članovi Komisije:

- | | |
|--------------------|-------------------|
| 1. Mirsad Ćeman, | 5. Martin Raguž i |
| 2. Petar Kunić | 6. Beriz Belkić |
| 3. Seada Palavrić, | |
| 4. Ivo Miro Jović, | |

Članovi Komisije: Tihomir Gligorić, Momčilo Novaković i Nijaz Duraković su najavili odsustvo sa sjednice.

Sjednici je bio nazočan: predstavnik: Vijeća ministara BiH: Šećerović.

Sjednici je takođe nazočio zastupnik Selim Bešliagić, predlagatelj zakona.

Sjednici je prisustvovao sekretar Komisije Milan Zjajić, i Golijanin Nevena - student stažista.

Mirsad Ćeman je pozdravio prisutne i predložio sljedeći:

D N E V N I R E D

1. Verificiranje Zapisnika sa 27. sjednice, održane 20.05.2004. godine,
2. Prijedlog zakona o športu BiH, predlagatelj zastupnik Nikola Špirić
3. Prijedlog zakona o dopuni zakona o državljanstvu BiH, predlagatelj zastupnik Nikola Špirić,
4. Prijedlog Zakona o izmjeni Zakona o Vijeću ministara BiH, predlagatelj zastupnik Selim Bešliagić,
5. Prijedlog zakona o osnivanju Instituta za mjeriteljstvo/metrologiju BiH, predlagatelj, Vijeće ministara BiH,
6. Prijedlog zakona o osnivanju Instituta za intelektualno vlasništvo BiH, predlagatelj, Vijeće ministara BiH,
7. Prijedlog zakona o osnivanju Instituta za standardizaciju BiH, predlagatelj, Vijeće ministara BiH,
8. Ostala pitanja.

Predloženi dnevni red je jednoglasno prihvaćen.

Ad. 1. Verificiranje Zapisnika sa 27. sjednice, održane 20.5.2004. ,

Uz primjedbu, da se pod točkom dnevnog reda 1. Verificiranje zapisnika sa 27. sjednice opiše primjedba za točku 18. na kraju doda tekst: "a Ustavni sud je već odlučivao po predmetnom zahtjevu." i pod točkom 16. izbriše riječ: "dijela". Zapisnik sa 27. sjednice je jednoglasno verificiran.

Ad. 2 Prijedlog zakona o športu BiH, predlagatelj zastupnik Nikola Špirić,

Nakon provedene rasprave, Ustavno-pravna komisija Zastupničkog doma je utvrdila većinom glasova, izjašnjavajući se na sljedeći način:

1. Sa pet glasova "za" i sa jednim glasom "protiv" da postoji valjan ustavno-pravni temelj za donošenje Zakona o športu Bosne i Hercegovine,

2. Sa pet glasova "za" i sa jednim glasom "protiv" da je Ustavni temelj sadržan u članku IV točka 4. a) Ustava Bosne i Hercegovine, kako je naveo predlagatelj, te četiri glasa "za" i dva glasa "protiv" da je ustavni temelj sadržan i u članku II točka 1.; 2. i 3. Ustava Bosne i Hercegovine,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti mjerodavnoj komisiji Zastupničkog doma Parlamentarne skupštine BiH u daljnju proceduru.

Ad. 3. Prijedlog zakona o dopuni zakona o državljanstvu BiH, predlagatelj zastupnik Nikola Špirić,

Nakon provedene rasprave, Ustavno-pravna komisija Zastupničkog doma je jednoglasno utvrdila sljedeće:

1. Postoji valjan ustavno-pravni temelj za donošenje Zakona o dopuni Zakona o državljanstvu Bosne i Hercegovine,
2. Ustavni temelj je sadržan u članku I točka 7. Ustava Bosne i Hercegovine, kako je naveo predlagatelj,
3. Usklađenost ponuđenog teksta sa Ustavom i pravnim sistemom Bosne i Hercegovine cijeniće mjerodavna komisija i
4. Ponuđeni tekst se može uputiti mjerodavnoj komisiji Zastupničkog doma Parlamentarne skupštine BiH u daljnju proceduru.

Ad. 4. Prijedlog Zakona o izmjeni Zakona o Vijeću ministara BiH, predlagatelj zastupnik Selim Bešlić,

Nakon kraćeg uvodnog izlaganja predlagatelja Selima Bešlića ostalo je nejasno da li je predlagatelj želio samo pokrenuti inicijaticu prema organima entiteta i Vijeću ministara BiH ili ostaje pri Prijedlogu zakona, koji je dostavljen u proceduru. To je stvorilo oštru polemiku između Petra Kunića i drugih članova Komisije, a posebno kritički Kunić se ponio prema predsjedatelju Mirsadu Ćemanu.

Kasnije, u toku rasprave Selim Bešlić je odustao od Prijedloga zakona o izmjeni Zakona o Vijeću ministara BiH, ali je istakao da se Tajništvo Parlamentarne skupštine mora osposobiti da servisira zastupnike u zakonodavnim inicijativama, da nikada više neće koristiti mogućnost da predlaže zakone i da Komisija njegov Prijedlog zakona dostavi Vijeću ministara BiH kako bi Vijeće ministara pokrenuo dalje aktivnosti prema entitetskim organima, jer Bosni i Hercegovini je neophodno, po njemu, da u procesu europskih integracija ima ministarstvo poljoprivrede na državnoj razini.

Ad. 5. Prijedlog zakona o osnivanju Instituta za mjeriteljstvo/meteorologiju BiH, predlagatelj, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao mjerodavna komisija je:

1. Sa četiri glasa "za" i jednim glasom "protiv" podržala principe predloženog zakona,
2. Konstatirala da je amandmane uložio zastupnik: Mirsad Ćeman. Komisija je podržala sljedeće amandmane:

Amandman I

U članku 1. stavak 1. iza riječi "samostalna" dodaje se riječ "državna".

Amandman II

U članku 4. stavak 4. mijenja se i glasi:

"4. U Institutu se osigurava odgovarajuća nacionalna zastupljenost državnih službenika i namještenika sukladno zakonu."

Amandman III

U članku 18. brišu se riječi: "a objaviće se i u službenim glasilima entiteta i Brčko Distrikta Bosne i Hercegovine"

3. Jednoglasno prihvatila tekst Prijedloga zakona o osnivanju Instituta za mjeriteljstvo / metrologiju Bosne i Hercegovine, kako ga je predložilo Vijeće ministara BiH sa usvojenim amandmanima i

4. Konstatirala da je predloženi zakon neophodno donijeti.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenovan je predsjedatelj Komisije Mirsad Ćeman.

Ad. 6. Prijedlog zakona o osnivanju Instituta za intelektualno vlasništvo BiH, predlagatelj, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao mjerodavna komisija je:

1. Sa četiri glasa "za" i jednim glasom "protiv" podržala principe predloženog zakona,
2. Konstatirala da su amandmane uložili zastupnici: Nedžida Mlaćo i Ljiljana Milićević. Komisija nije podržala predložene amandmane,
3. Jednoglasno prihvatila tekst Prijedloga zakona o osnivanju Instituta za intelektualno vlasništvo Bosne i Hercegovine, kako ga je predložilo Vijeće ministara BiH, i
4. Konstatirala da je predloženi zakon neophodno donijeti.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenovan je predsjedatelj Komisije Mirsad Ćeman.

Ad. 7. Prijedlog zakona o osnivanju Instituta za standardizaciju BiH, predlagatelj, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao mjerodavna komisija je:

1. Jednoglasno podržala principe predloženog zakona,
2. Konstatirala da su amandmane uložili zastupnici: Nedžida Mlaćo, Ljiljana Milićević i Mirsad Ćeman. Komisija je podržala sljedeće amandmane:

Amandman I

U članku 1. stavak 1. iza riječi "samostalna" dodaje se riječ "državna".

Amandman II

U članku 7. uvodna rečenica treba da glasi:

"Institut je, kao državna naučno-stručna institucija, mjerodavan da:"

Amandman III

Iza članka 9. dodaje se članak 10. koji glasi:

"Članak 10.

Rukovodeći državni službenici pomažu direktoru u rukovođenju pojedinim područjima rada" Shodno usvojenom amandmanu izvršiti izmjenu redoslijeda člankova zakona.

Amandman IV

Iza članka 11. (raniji članak 10.) dodaje se Odjeljak V i članak 12. koji glase:

"V DRŽAVNI SLUŽBENICI I NAMJEŠTENICI

Članak 12.

1. Poslove temeljnih djelatnosti koji su ovim zakonom stavljeni u djelokrug Instituta obavljaju državni službenici, koji se postaljšaju na radna mjesta utvrđana Zakonom o državnoj službi u institucijama Bosne i Hercegovine.
 2. Kategorije u okviru radnih mjesta koje obavljaju državni službenici utvrđuju se Pravilnikom o unutaršnjoj organizaciji Instituta.
 3. Postavljanje državnih službenika na radna mjesta u Institutu, njihova prava, obveze i odgovornosti i druga statusna pitanja, plaće i druga materijalna primanja državnih službenika, kao i sprečavanje sukoba interesa u obnašanju dužnosti državnih službenika uređuju se sukladno Zakonu o državnoj službi u institucijama BiH i drugim posebnim zakonom.
 4. Pomoćne-tehničke poslove u Institutu obavljaju namještenici sukladno sa važećim propisima.
 5. Prijem namještenika u radni odnos, prava, obveze, odgovornost i druga statusna pitanja, kao i plaće i druga materijalna primanja namještenika uređuju se sukladno posebnim zakonom."
- Shodno usvojenom amandmanu izvršiti izmjenu redoslijeda Odjeljaka i člankova zakona.

Amandman V

Članak 14. (raniji članak 13.) se briše i postaje stavak 2. članka 13. (ranijeg članka 12.)

U članku 13. dodaje se stavak 3. koji glasi:

"3. Institut za standardizaciju Bosne i Hercegovine preuzima poslove, opremu, arhivu i novčana sredstva i državne službenike i namještenike danom potpisivanja zapisnika o izvršenoj primopredaji, sačinjenog od Komisije iz stavka 2. ovog članka, a sukladno Odluci o preuzimanju poslova između ministarstava temeljanih ranijim Zakonom o Vijeću ministara Bosne i Hercegovine i ministarstava i drugih organa uprave temeljanih Zakonom o ministarstvima i drugim organima uprave Bosne i Hercegovine ("Službeni glasnik BiH" br.15/03).

Amandman VI

U članku 18. brišu se riječi: "a objaviće se i u službenim glasilima entiteta i Brčko Distrikta Bosne i Hercegovine"

3. Jednoglasno prihvatila tekst Prijedloga zakona o osnivanju Instituta za standardizaciju Bosne i Hercegovine, kako ga je predložilo Vijeće ministara BiH sa usvojenim amandmanima i

4. Konstatirala da je predloženi zakon neophodno donijeti.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenovan je predsjedatelj Komisije Mirsad Ćeman.

Ad. 8. Ostala pitanja

Martin Raguž je zamolio dopunu liste učesnika Javne rasprave zakazane za 15.6.2004. sa prof. dr. Božom Žepinićem, prof. dr. Stjepom Andrićem i prof. dr. Antom Markotićem.

Kako nije bilo drugih prijedloga za ovu točku dnevnog reda predsjedatelj je u 14,20 sati zaključio sjednicu.

Napomena: Sastavni dio ovog zapisnika je Stenogram koji sačinjava Zajednička služba Parlamentarne skupštine Bosne i Hercegovine.

TAJNIK KOMISIJE
Milan Zjajić

PREDSJEDATELJ KOMISIJE
Mirsad Ćeman

